

人墨客踏青舒况無限餘情

畢原荒塚 吉志云畢原即畢原山荒塚則帝王將相之陵墓也殘城敗堞重重而見破碣斷碑累累而存西墜陽鳥狐眠塚上東升月兔鴉噪林端滿地閑花野草遍山怪鳥幽禽五陵之豪氣寂寥多士之菁英泯沒惟留土一邱而已賢人君子立馬於西風而悽感者寧已於言乎是為一景焉張志云畢原即畢郢帝王將相之陵墓世遠歲久碑斷碣殘而重重墟壘如星之布入耳怪鳥幽禽滿目閑花野草五陵豪氣萬古土邱賢人君子臨風憑弔不勝於邑焉

咸陽縣志

卷五

景勝

九

豐水碧波 吉志云豐水即豐水攸同之水碧波者水冬夏不渾也遊魚上下浴鳥飛鳴紅蓮白藕迎流而長翠柳青蒲夾岸而生洗耳聽幽人之歎濯纓聞孺子之歌朝看烟渚沾帆夜望霜天漁火觸於目感於心自不能不形於吟咏是為一景焉張志云一派清流澄徹清溪東注存神禹之績中流行姬文之澤金鯉銀鮒時躍青鷗白鷺交飛聞孺子之歌聽幽人之歎吟咏將不自已也

魚臺晚釣 吉志云魚臺即周呂尚釣魚之臺晚釣者邑人倣呂尚而垂釣也水萍綠綠岸草青青鷗鷺無心水

天一色兩鬢風霜看破利名消息一簑烟雨打開生死幾關村野寺鐘聲喚不回雲山夢寐知江村漁火收待住鉄石心腸詩家情趣正在於此是為一景焉張志云一簑烟雨兩鬢風霜野寺鐘聲江村漁火一時把釣千古垂芳視奔走塵世者殊夢不到此也

跑泉磯 吉志云馬跑泉即唐王出獵馬跑出水之泉磯則石上馬足跡也泉滾滾而流石磷磷而見渴而飲泉泉清冽宜觀憇而坐石石寬平可愛灌田多白髮老翁枯槁吟嗟於林外澣服來翠裙少婦砂杵丁東於溪傍南畝西疇比別鄉則禾苗易長左園右圃較他里則

咸陽縣志

卷五

景勝

十

蔬果備佳視為金地名曰寶泉是為一景焉張志云混混原泉晝夜不舍磷磷古石遺址猶存邑人生聚於斯焉飲憇坐灌田澣服澤被千年流芳奕世
柳春草 吉志云杜郵即秦將白起自裁處春草則祠墓封合之物也蟬噪蛙鳴似帶當年之恨孤潛兔隱如添今日之愁田翁道祠原范雖令人悽慘遊客故詩作
爾曾助我咏歌是為一景焉張志云遺址血消燒草復得孤潛兔隱蟬噪蛙鳴暗武安君之廟貌增千百載之

龍巖寺 吉志云龍巖寺即龍巖寺栢則寺中所植之物

意周圍十頃樹密千株傲雪欺霜合義士忠臣之節
羣羣月稱逸民隱士之心紅禽同白鶴往還綠水共青
山流峙客坐風前僧敲月下可以豁吟懷可以濯塵想
建為一景馬張志云寺基十頃樹密千株柯葉貫乎四
時勁節超夫羣羣月罩烟籠凌霜傲雪信可以却世慮
而豁吟懷也
分地列景騷客詞頭朔風弄月之藉何裨懸網治要之
資然標目皆境中之勝區題吟即土風之真蹟吉志載
於前張志和於繼應祠亦並題而登之不加屬綴第勿
敢削沒已也

咸陽縣志

卷五

景勝

三

十勝

溪頭景乃

經閣舒眺

文陵翁薈

長陵天朗

正陽仙洞

陸泉湧珠

渭左烟村

釣臺泛月

登堤榆柳

雪州樓雁

按邑志地景者或八或十類出雷同而皆不能缺俗相
沿也咸有八景古之京畿固宜稱勝邑人魏毓滄又益
之作十勝買菜求添亦云蛇足然筆力蒼古繪事殊工
各列小序綴以詩詞畫更擅勝板藏於家亦方技之可
取者也邑令祁公光晉序之附載藝文志中

卷五終

咸陽縣志卷六

知縣咸應桐望青氏纂脩

閩邑紳士泰訂

帝系

鮮原畢陌實鐘神聖天作之配儀型維正紹衣承休一
德佐命羸暴劉興循環衰盛上下隋唐帝非一姓彙帙
昭垂妍媸可鏡述帝系

帝王

周

王季 諱歷后稷十四代孫太王第三子太姜所出也自

咸陽縣志

卷六

帝系 帝王

岐州遷都程邑有謀能斷守政而和昭臨無蔽勤施無
私教訓無倦順以事上比以親民慶賞刑威政自已出
四隣服焉是為公季商太丁時平東夷之亂帝乙滅始
呼翳徒二國之戎加封為西伯侯賜以圭璜鉅鬯九命
作伯得專征伐乃伐西落羗戎俘其主以歸於商帝乙
七年丙子堯塋鄂縣之南山其孫武王有天下追封為
王廟號王季周興自此始 皇王大記
文王 諱昌王季長子大任所出也生於商祖甲三十一
祀身高十尺龍頰虎眉日角四乳繼為西伯侯遵公劉
后稷之業則太王王季之法伯夷叔齊聞而歸之崇侯

諧於紂而囚西伯於美里七年行易闕天之徒惠之乃
求他奇怪物因紂嬖臣費仲而獻之紂紂大悅乃赦西
伯賜之弓矢斧鉞使西伯得專征伐西伯歸獻洛西之
地請紂去炮烙之刑日行仁政諸侯皆求決平於是虞
芮之君相與質成而退諸侯聞之曰西伯蓋受命之君
天下歸之者四十餘國遂以是年為受命之年明年伐
犬戎明年伐密須明年敗耆國徙都鮮原殷之祖伊聞
之懼以告紂紂曰不有天命乎是何能為明年伐刑明
年代崇作豐邑都豐期年崩時紂二十年也稱侯五十
年壽九十七歲葬於畢立廟渭陽武王追謚為文王廟

咸陽縣志

卷六

帝王

二

號文考又曰穆考按禮法經天緯地曰文 西安府志

武王 諱發以歲己卯春二月克商即天子位定都鎬在
位七年王來自商至於豐乃偃武脩文歸馬於華山之
陽放牛於桃林之野示天下弗服列爵惟五分土惟三
建官惟賢位事惟能重民五教惟食喪祭惇信明義崇
德報功垂拱而天下治 周書武成

成王 諱誦武王太子以歲乙酉即位在位三十七年
叔向曰成王能明文昭定武烈者也 國語

康王 諱釗成王太子以歲壬戌即位在位二十六年
太子晉曰自后稷之始基靖民十八王而康克安之

國語

昭王 諱瑕康王太子以歲壬子即位在位五十一年
穆王 諱滿昭王太子以歲己卯即位在位五十五年
共王 諱絜扈穆王太子以歲甲戌即位在位十二年
懿王 諱藉共王太子以歲丙戌即位在位二十五年
孝王 諱辟方共王弟以歲辛亥即位在位十五年
夷王 諱燮懿王太子以歲丙寅即位在位十六年
厲王 諱胡夷王太子以歲壬午即位在位五十一年
宣王 諱靖厲王太子以歲癸酉即位在位四十六年
宣王承衰邦家多阻懲難思理官人以叙山甫補闕方

咸陽縣志

卷六

帝王

三

叔禦侮是用中興恢復周宇 擊大常集

幽王 諱宮涅宣王太子以歲己未即位在位十一年

秦

始皇帝 嬴姓名政莊襄子太后朱氏所出也年十三立
為王元年乙卯王年少委國事於呂不韋至二十六年
滅六國初并天下庚辰即帝位更號始皇帝十月為歲
首以水德王色尚黑廢謚法罷封建分天下為三十六
郡徙豪傑於咸陽十二萬戶燒詩書百家語銷兵器一
法度為王二十六年稱帝十一年共在位三十七年東
巡七月丙寅崩於沙丘年五十歲二世葬驪山陵內城

周五里外城周十二里其址俱存項羽黃巢皆嘗祭此

老人云始皇墓山之中此特虛塚爾

二世皇帝 胡亥始皇少子以歲辛卯秋七月即位

三年

王子嬰 始皇孫以歲甲午即位乙未出降於漢凡一年

周歷已移秦直其位呂政殘虐然以諸侯十三并兼天

下極情縱欲三十七年兵無所不加制作政令施於後

王蓋得聖人之感始皇既歿胡亥極愚鄒山未畢復作

阿房以遂前策任用趙高殘虐促期雖居形便之國猶

不得存子嬰度此得嗣冠玉冠佩華紱車黃屋從百司

咸陽縣志

卷六

帝王

四

謁七廟小人乘非位莫不怙忽失守偷安日月獨能長

念却慮父子作權近取於戶牖之間竟誅猾臣為君討

賊吾讀秦紀至於子嬰車裂趙高未嘗不健其決憐其

志嬰死生之義備矣 班蘭臺集

右秦自始皇帝二十六年庚辰至子嬰元年乙未共都

咸陽一十六年

漢

高帝 諱邦沛人以歲己亥春二月滅楚即皇帝位夏五

月定都長安在位八年葬咸陽原長陵

周秦之間可謂大澈矣秦政不改反酷刑法豈不謬乎

故漢興承澈易變使人不俸得天統矣 史記高祖本

紀

惠帝 諱盈高祖太子以歲丙午夏五月即位在位七年

葬咸陽原安陵

孝惠內脩親親外禮宰相優寵齊悼趙隱恩敬篤矣聞

叔孫通之諫則瞿然納曹相國之對而心悅可謂寬仁

之主遵呂太后虧損其德悲夫 漢書惠帝紀

按惠帝後呂氏稱治九年所立兩少帝皆非孝惠子也

史漢紀傳載之已詳故不盡錄

文帝 諱恒高帝仲子以歲辛酉秋九月即位在位二十

咸陽縣志

卷六

帝王

五

三年

朱子論文帝可謂恭儉之主然最好黃老凡事都先一

看做文帝猶善用之如南越反身辭厚禮以誘之吳王

不朝賜以几杖此是退一着術數故揚龜山謂文帝資

稟純粹若從學問中徹底理會豈非湯文以上人乎

景帝 諱啟孝文太子以歲甲申夏六月即位在位十六

年葬咸陽原陽陵

孔子稱斯民三代之所以直道而行也信哉周秦之澈

因察文俊而衰究不勝漢興掃除煩苛與民休息至於

孝文加之以恭儉孝景遵業五十六載之間至於移風

漢書景帝紀
漢書景帝紀

武帝 諱徹景帝太子以歲庚子春正月即位在位五十四年

漢承百王之弊高祖撥亂反正文景務在養民至於稽古禮文之事猶多闕焉孝武初立卓然罷黜百家表章六經遂疇咨海內舉其俊茂與之立功興大學脩郊祀改正朔定曆數協音律作詩樂建封壇禮百神紹周後號今文章煥焉可述後嗣得遵洪業而有三代之風如武帝之雄才大略不改文景之恭儉以濟斯民雖詩書

咸陽縣志

卷六

帝王

六

所稱何有加焉 漢書武帝紀

昭帝 諱弗陵武帝太子以歲甲午春二月即位在位十三年葬咸陽原平陵

昔周成以孺子繼統而有管蔡四國流言之變孝昭幼

年即位亦有燕益上官通亂之謀成王不疑周公孝昭委任霍光各因其時以成名大矣哉承孝武奢侈餘敝師旅之後海內虛耗戶口減半光知時政之要輕徭薄賦與民休息至始元元鳳之間匈奴和親百姓充實舉賢良文學問民所疾苦議鹽鐵而罷權酷尊號曰昭不亦宜乎 漢書昭帝紀

宣帝 諱詢武帝曾孫戾太子孫也以歲丁未秋七月即位 位在位二十五年

孝宣之治信賞必罰綜核名實政事文學法理之士咸精其能至於技巧工匠器械自元成開解能及之亦足以知吏稱其職民安其業也遺值匈奴乖亂推亡固存信威北夷單于慕義稽首稱藩功光祖宗業垂後嗣可謂中興伴德殷宗周宣矣 漢書宣帝紀

元帝 諱興宣帝太子以歲壬申冬十二月即位在位十六年葬咸陽原渭陵

元帝多材藝善史書鼓琴瑟吹洞簫自度曲被歌聲分

咸陽縣志

卷六

帝王

七

刊節度窮極窈眇少而好儒及即位徵用儒生委之以政貢薛韋匡迭為宰相而上牽制文藝優游不斷孝宣之業衰焉然寬和逮下出於恭儉號令溫雅有古之風烈 漢書元帝紀

成帝 諱騫元帝太子以歲戊子夏六月即位在位二十六年葬咸陽原延陵

成帝善脩容儀升車正立不內顧不疾言不親指臨朝淵默尊嚴若神可謂穆穆天子之容者矣博覽古今容受直辭公卿稱職奏議可述遭世承平上下和睦然器器酒色趙氏亂內外家擅朝言之可為於邑建始以來

土氏始報國命衰平短祚莽遂篡位蓋其威福所由未

者漸矣 漢書成帝紀

成帝 諱欣元帝孫定陶恭王子也成帝立為太子以歲

甲寅夏四月即位在位六年葬咸陽原義陵

孝哀自為藩王及充太子之宮文辭博敏幼習經聞睹

孝成世祿去王室權柄外移是故臨朝屢詔大臣欲強

主威以則武宣雅性不好聲色時覽下射武宣即位痿

痺末年寢劇饗國不永哀哉 漢書哀帝紀

平帝 諱衍元帝孫中山孝王子也哀帝無嗣以歲真甲

秋九月入即位位五年葬咸陽原康陵

咸陽縣志

卷六

帝王

八

孝平之世政自莽出復漢廢功以自專威權其文其方

外百蠻無思不服休徵嘉應頃暴並作至於變異是於

上民怨於下莽亦不能文也 漢書平帝紀

孺子嬰 宣帝元孫廢成侯子也王莽篡位以歲乙丑

冬十二月徵入為平帝後至歲己巳春三月葬高安

公凡三年

右漢自高帝五年己亥至孺子初始元年己巳共

安二百一十年

隋

恭帝 諱侑煬帝孫元德太子之子也初

丑冬十二月唐公李淵立帝於長安戊寅夏五月禪位

於唐在位二年葬咸陽原

恭帝年在幼冲遭家多難一人失德四海土崩既鍾百

六之期躬踐數終之運謳歌有屬笙鐘變響雖欲不遵

堯舜之迹庸可得乎 隋書恭帝紀

后妃

周

太姒 率任氏之仲女也王季妃生文王及魏仲魏叔

太姒 有莘氏長女也為文王妃生十子詩頌賢后卒成

武王周公之德

咸陽縣志

卷六

后妃

九

邑姜 太公女武王后也九人治外邑姜治內

姜后 宣王后也佐宣王中興周室卒稱賢后

申后 幽王后也見於幽王被囚作白華之詩以自怨

漢

呂后 名雉字娥姁單父人高帝徵時后父平叔文奇其

貌妻以后生惠帝及魯元公主惠帝即位尊為皇太后

惠帝崩無嗣后性妬嫉以後宮子立為少帝大寵呂氏

臨朝稱制凡八年後崩合葬長陵

薄后 吳人昭之女兄也初為魏王豹宮人韓信榜豹后

輸械室高帝入宮見而悅之后曰妾夜夢蒼龍據腹帝

曰朕與卿成此一夢遂一幸有娠生文帝高帝崩文帝封於代后隨子之代后終身不復見高帝也及文帝踐祚尊為皇太后昭賜姓劉氏

戚姬 定陶人高帝為項羽所迫其父藏帝於姬閨中帝欲納之姬不可帝曰如吾意後有天下女為后子為太子姬從之後生子遂名如意帝將崩欲立姬為后如意為太子呂后用留侯計聘四皓輔之得不果封如意為趙王惠帝元年趙王來朝呂后給用藥酖死姬以眼覷而不敢涕呂后怒去目輝耳斷其四肢置廁中謂之人彘慈帝見而哀之曰此豈人所為也

咸陽縣志

卷六

后妃

十

石姬 趙人萬石君奮之女兒也善鼓瑟高帝悅之納為妃

張后

魏人趙王耳之孫宣王侯教之女也為惠帝后無出

賈后

觀津人章武侯廣國之女兒也呂后時以良家子選入宮後呂后出宮女賜諸王后得與代代王幸之生

公主嫖及景帝王后卒文帝立敬為太子竇為后景帝

立尊為皇太后

慎夫人

邯鄲人文帝妃也善鼓瑟上幸霸陵倚而和之

薄后 薄太后母家女景帝為太子時太后取為太子妃

景帝即位立妃為皇后生太子闕後后見廢太子廢臨江哀王

王后

槐里人初嫁為金王孫婦母臧氏奪之金以納太子宮景帝為太子愛幸之生三女與武帝及廢薄后與

太子闕為臨江王立為皇后子徹為太子武帝立尊為

皇太后及薨合葬陽陵

宣帝后王氏

其先高祖時有功賜爵關內侯自沛徙居陵后父奉光少時好聞鷄當宣帝在民間時與奉光識

奉光有女年十餘歲當遣人所當適輒死故久不行宣

帝即位召入宮稍進為婕妤上憐許太子蚤失母幾為

咸陽縣志

卷六

后妃

十一

霍氏所害乃選後宮素謹慎而無子者遂立王婕妤為

皇后令母養太子立十六年宣帝崩元帝即位為皇太

后成帝即位為太皇太后時成帝母亦姓王氏故世號

太皇太后為邛成太后凡立四十九年年七十餘永始

元年崩 漢書外戚傳

元帝昭儀馮氏

平帝祖母也元帝即位以選入後宮時父奉世為執金吾昭儀始為長使數月至美人後五年

就館生男拜為婕妤內寵與傅昭儀等建昭中上幸亮

園關獸後官皆坐熊俠出園攀檻欲上殿傅昭儀等皆

驚走馮婕妤直前當熊而立左右格殺熊上問何故

當熊對曰猛獸得人而止妾恐熊至御坐故以身當之
傳昭儀等皆慙明年夏馮婕妤男立為信都王尊婕妤
為昭儀元帝崩為信都太后治平中隨王之國後徙中
山是為孝王是歲王薨有一男嗣為王時未滿歲有青
病太后自養視數禱祠解哀帝即位遣謁者張由將醫
治中山小王由素有狂易病病發西歸尚書簿責擅去
狀由恐因誣言中山太后祝詛上及太后太后即傳昭
儀也素常怨馮太后因是遣御史丁元素驗無所得更
使中謁者令史立與丞相長史大鴻臚丞雜治立受傳
太后指劾奏祝詛謀反大逆責問馮太后無服辭立曰

咸陽縣志

卷六

后妃

三

熊之上殿何其勇今何怯也太后還謂左右曰此乃中
語前世事吏何由知之是欲陷我廼飲藥自殺詔以諸
侯王太后儀葬之祠墓涓陵 漢書外戚傳

成帝婕妤班氏 初入後宮為少使俄而大幸為婕妤居
增成舍再就館有男數月失之成帝遊於後庭嘗欲與
同輦辭曰觀古圖畫聖賢之君皆有名臣在側三代末
主多有嬖人今欲同輦得無近似上善其言而止自鴻
嘉後失寵趙飛燕譖婕妤持媚道祝詛 漢書及主上
考問婕妤對曰妾聞死生有命富貴在天脩正尚未蒙
福為邪欲以何望使鬼神有知不受不臣之愆如其無

知愆之何益上聞之賜黃金百斤趙氏姊弟嬌如婕妤
恐久見危求代養太后長信宮上許焉使行退處東宮
作賦自傷帝崩婕妤充奉園陵薨因葬園中 漢書外

戚傳

王后 名太大名元城人安漢公莽之女也莽欲篡漢平
帝即位遂以女配帝時年九歲帝以禮迎立為后及帝
崩后年十四莽篡位后寢一十八年不起後光武誅莽
燔燒未央宮后曰何面目見漢家自投火中死附葬咸
陽康陵園中 烈女傳

唐

咸陽縣志

卷六

后妃

三

睿宗后竇氏 長陵人抗曾孫也睿宗為相王為孺人甚
見禮異光宅元年立為德妃生元宗長壽二年為戶婢
團兒誣譖與肅明皇后厭蠱咒詛正月二日朝則天皇
於嘉豫殿既退而過害梓宮秘密其知所在睿宗即位
謚曰昭成皇后睿宗崩以帝母之重追尊為皇太后
舊唐書本傳

太子

國之儲副都秦之世失愛失德二者交譏脩書之以存
鑒其追冊者不錄

秦

始皇太子扶蘇 太子為人仁孝剛毅而武勇信人而奮
士諫焚書院儒見忤於上始皇三十七年十月行出遊
長子扶蘇以數直諫上使監兵上郡少子胡亥愛請從
上許之其年七月始皇帝至沙邱病甚令趙高為書賜
公子扶蘇曰以兵屬蒙恬與喪會咸陽而葬書已封未
授使者始皇崩書及璽皆在趙高所趙高謂胡亥曰上
崩無詔封諸子而獨賜長子書長子至即立為皇帝而
子無尺寸之地奈何請為子與丞相謀之高乃謂丞相
斯曰上崩賜長子書立為嗣書未行未有知者所賜書
及符璽皆在胡亥所定太子在君侯與高之口耳事將

咸陽縣志

卷六

太子

丙

如何斯曰此非人臣之所當議也高曰皇帝二十餘子
皆君所知長子剛毅而武勇信人而奮士即位必用蒙
恬為丞相君侯終不懷通侯之印歸於鄉里明矣高受
詔教習胡亥數年未嘗見過失可以為嗣君計而定之
於是斯乃聽高高乃詐為書賜扶蘇曰朕恐天下禱祀
名山諸神以延壽命今扶蘇與將軍蒙恬將師數十萬
屯邊十有餘年矣無尺寸之功乃以不得罷歸為太子
日夜怨望扶蘇為人子不孝其賜劍自裁封其書以皇
帝璽遣胡亥客奉書賜扶蘇於上郡使者至發書扶泣
入內舍欲自殺蒙恬止扶蘇曰陛下使臣將三十萬重

守邊公子為監此天下重任也今一使者來即自殺安
知其非詐復請而後死未暮也使者數趣之扶蘇為人
仁孝謂恬曰父賜子死尚安復請即自殺 史記李斯
傳

始皇諸子將間 二世陰與趙高謀行誅諸公子公子將
間昆弟三人囚於內宮議其罪獨後二世使使令將間
曰公子不臣罪當死吏致法焉將間曰闕庭之禮吾未
嘗敢不從賓贊也節廟之內吾未嘗敢失節也受命應
對吾未嘗敢失辭也何謂不臣願聞罪而死使者曰臣
不得與謀奉書從事將間乃仰天大呼天者三曰天乎

咸陽縣志

卷六

太子

左

吾無罪昆弟三人皆流涕拔劍自殺 史記秦始皇本
傳

二世更為法律諸公子有罪輒下高令鞠治之公子十
二人戮死咸陽市公子高欲奔恐收族乃上書曰先帝
無恙時臣入賜食出則乘與御府之衣臣得賜之中厩
之寶馬臣得賜之臣當從死而不能為人子不孝為人
臣不忠無名以立於世臣請從死願葬驪山之足惟上
幸哀憐之書上胡亥大悅賜錢十萬以葬 李斯傳

公主

凡都秦之世帝姬皆秦產也而列傳始於唐書周隋而

上缺焉今撮其事蹟顯著者以觀一代之化始云

周

武王女大姬 鄭子產曰我先王庸以元女大姬配胡公

元女武王之長女也 單子曰陳我大姬之後也

武王封舜後媽滿是為胡公妻以元女大姬封之于陳

以備三恪

穆王女叔姓

天子殯盛姬於穀邱之廟命王女叔姓為

主天子東征舍於五鹿叔姓思哭是曰女姓之邱 叔

漢

咸陽縣志

卷六

公主

六

高帝女魯元 高祖長女魯元公主為趙王敖后惠帝二

年冬十月齊王來朝獻城陽郡以益魯元公主邑尊公

主為太后祔葬咸陽長陵 漢書惠帝紀

隋

高祖女蘭陵 蘭陵公主字阿五高祖第五女也性婉順

好讀書高祖於諸女中特所鍾愛遼河東柳述諸姊並

驕倨主獨折節遵婦道事舅姑甚謹高祖大悅由是述

漸見寵遇初晉王廣欲以主配其妃弟蕭瑒後述述晉

王不悅高祖崩述徙嶺表煬帝將改嫁之主以死自誓

主憂憤而卒時年三十二臨終上表曰昔共姜自誓

美前徽節端不言傳芳往詰妾雖負罪竊慕古人生既

不得從夫絕乞葬於柳氏上覽之愈怒葬主於淇濱原

資送甚薄朝野傷之 隋書烈女傳

外戚

漢有扶風之寶唐如京兆之韋締好天家皆與國相終

始綜其行事固得夫之林也而王氏之在元城武氏之

在文水者以非秦產不與焉

田勝 皆王皇后同母弟生長陵王太后母曰臧兒

臧兒者故燕王臧荼孫也為槐里王仲妻仲死更嫁長

陵田氏生男勝景帝崩太子為皇帝尊太后母臧兒

陽縣志

卷六

外戚

七

為平原君封蚡為武安侯勝為周陽侯平原君卒從田

氏葬於長陵置園比共侯園蚡始為中大夫辨有口學

盤孟諸書王皇后賢之武帝即位封武安侯新用事卑

下賓客欲以傾諸將相六年為丞相蚡以肺腑為相入

京事所言皆聽薦人或起家至二千石權移主上治宅

甲第第田園極膏腴市買郡縣器物相屬於道前後羅

鐘鼓立曲旃後房婦女以百數諸珍物狗馬玩好不可

數元光四年夏蚡取燕王女為夫人太后詔列侯宗

室皆送酒酣灌夫罵坐蚡怒劾灌夫前事諸灌氏皆

誅

得棄市罪者蚡疾上使視鬼者瞻之曰魏其侯與灌夫共被殺之竟死

班况 孝廉為郎積功勞至上河農都尉大司農奏課連

最入為左曹越騎校尉成帝之初女為僂仔致仕就第賞累千金徙昌陵後罷占數於長安

按班氏如侍中昆弟俱有風節可觀東京而後文學武功尤極一門之盛况因女氏入官占籍長安實咸陽安陵地也

宦官附載

宦官出入宮闈供掃除之役延及漢唐或至手握大權

咸陽縣志

卷六

宦官

六

口含天憲則任用者之失也各史多不詳其已里茲擬其咸產者附於帝系之末

周

景監 秦人也公孫鞅西入秦因寵臣景監求見孝公孝

公既見衛鞅語事良久罷而怒景監曰子之客妄人耳安足用耶景監以讓衛鞅鞅曰吾說公以帝道其志不

開悟矣後五日復求見鞅未中肯罷而孝公復讓景監

景監亦讓鞅鞅曰吾說公以王道而未入也請復見鞅

復見孝公孝公善之而未用也罷而去孝公謂景監曰

汝客善可與語矣鞅曰吾說公以霸道其意欲用之矣

誠復見我我知之矣衛鞅復見孝公公與語數日不厭景監曰子何以中吾君吾君之權甚也鞅曰吾以強國之術說君君大悅之耳

北魏

孫小 字茂翹為石安人父瓚為赫連屈丐所殺小沒入

官刑會魏平統萬遠徙平城內侍東宮以聰識有智畧

稱未幾轉西臺中散每從征伐屢有戰功多獲賞賜世

祖幸小步應有北冠乃除留臺將軍車駕還都遷給事

中領駕部謀理有方畜馬蕃息出為并州刺史州內四

郡百餘人詣闕頌其政化後遷冀州刺史所在清約當

咸陽縣志

卷六

宦官

九

時收伯無能及也 魏書秦宦傳

明

張永 延陵里人武宗時宦官劉瑾謀為不軌永當夜祭

其奸遂伏誅以功推為御馬監朝廷嘉其忠誠終身榮

寵

卷六終

知縣臧應桐望青氏墓脩

閩邑紳士墓訂

陵墓

畢原塋莽涇渭澄澗豐隆中幹兩翼持衡邱墳崇崇系橋
山鴻名鉅公賢相附從佳城世殊年遠瞻仰餘情敬識
遺蹟典禮孔明志陵墓

周

文王陵 孟子曰文王生於岐周卒於畢郵書注云太子
發上祭於畢下至於孟津畢文王墓近鎬也馬融謂畢

咸陽縣志

卷七

陵墓

一

文王墓也在縣治之北一十五里坐落高山廟東南二
里 按陵塋外其餘地三頃二十二畝內除奉祀生蠶
社地八十畝又除陵戶四名每名給口食地二十畝共
地八十畝實起租地一頃六十二畝每畝起租銀一錢
二分共銀一十九兩四錢四分解 司以備各陵墓戶
口食並脩陵工之用

武王陵 汲冢周書在文王陵北成王元年夏六月葬武

王於畢 餘地陵租合見文陵

成王陵 在文王陵西南坐落陵照村西北二里 陵塋

外其餘地一頃八十畝內除陵戶二名每名給口食地

二十畝共地四十畝實起租地一頃四十畝每畝起租
銀一錢二分共銀一十六兩八錢解 司以備各陵墓
戶口食並脩陵工之用

康王陵 在文王陵東南坐落新莊村東北三里 陵塋
外其餘地一頃畝內除陵戶二名每名給口食地二十
畝共地四十畝實起租地六十畝每畝起租銀一錢二
分共銀七兩二錢解 司以備各陵墓戶口食並脩陵
工之用

乾隆十一年奉

上諭陝西為自古建都之地陵墓最多著督撫查明酌築圍

咸陽縣志

卷七

陵墓

二

牆以資保護欽此欽遵

又周四王之陵二公之墓一應饗殿門樓年久頽圮

督 撫兩憲會指陳奏荷蒙

諭旨准撥藩庫公銀及時興脩俟收積陵租歸款乾隆十五

年知縣臧應桐先後奉文敬謹遵辦殿宇煥然一新工

竣立碑

文王陵咸陽分祭例築圍牆周環三百四十二丈四尺

高七尺脩建獻殿五楹東西配殿各五間二門三間更

衣亭東西各三間牌樓大門一座牆內栽植柏樹

武王陵咸陽分祭圍牆與文陵相連脩建獻殿五間牌

樓一座

成王陵例屬整屋縣分祭圍塼獻殿俱經脩建

康王陵例屬鄆縣分祭圍塼獻殿同時脩建

以上陵寢各招陵戶二名防護

按文武成康四陵俱在縣北十五里長安舊志西周之

陵並葬於咸陽原上三禮圖云先王葬其中以左右為

昭穆文王居中武王為昭居左成王為穆居右以下子

孫夾處東西而葬以今考之武王陵在文王陵後康王

陵在文王陵前左右俗傳以為背子抱孫

恭王陵 在文王陵南坐落王社村西南二里

咸陽縣志

卷七

陵墓

三

宣王陵 明兩朝從信錄曰洪武四年在咸陽縣致祭邑

乘未載畢原陵冢鱗集不知所在

周公墓 史記魯世家在文王陵東坐落賀家村正北里

許周公在豐病將歿曰必葬我成周以明吾不敢離王

既卒成王亦讓葬周公於畢從文王以明予小子不敢

臣周公也世家注正義曰周公墓在雍州咸陽北十三

里畢原上賈志在文王陵東今立廟於墓前書曰周公

在豐將歿欲葬成周周公薨成王葬於畢皇覽曰文武

周公冢皆在長陵安陵西北畢陌中冢是也淮南子

草木譜模木生周公冢上其葉春青夏赤秋白冬黑以

已得其正也 今築圍塼長一百六十四丈高七尺獻

殿三間門一座墓戶二名防護

太公墓 史記齊世家注周尚父齊太公也在文王陵東

坐落賀家村西北三里禮記曰太公封於營邱比及五

世皆反葬於周鄭元曰太公受封留為太師死葬於周

五世之後乃葬齊按皇覽呂尚父冢在臨淄縣城南去

城十里齊記補遺云公墓於周齊人思其德葬衣冠於

此臨淄縣魯虛冢也 今築圍塼長一百零四丈高七

尺獻殿三楹門一座墓戶二名防護

魯公伯禽墓 在周公墓後

咸陽縣志

卷七

陵墓

四

八士墓 在縣東五十里坐落梁村正北三里即一母四

乳之八子薛氏曰予至咸陽縣東五十里有八士墓稱

南宮氏及觀雍大記亦載其墓而父老尚傳誦云

秦惠文墓 注縣西北一十四里秦稱公陵按條僭王今

依臣例列載臣中書墓

秦悼武墓 在縣西北一十四里秦稱永陵舊志並載周

各王陵後今以臣例書之

楚儒陳良墓 在縣西三十里坐落陳良墓西南三里

武安君白起墓 賈志在縣東十里坐落任家堡正東一

里杜郎亭武安君自裁墓此而祠亦在焉按洛川縣志

白起山韓城縣志華池俱有起墓考洛川為起采地至華池則司馬斬與起同賜死杜郵因斬葬華池而起塚亦附會於彼要以杜郵者為是

漢

高祖長陵 賈志在縣東三十里坐落蕭城村正南二里亦曰長山其北有蕭城蕭何築以守長陵漢初徙關東豪族以奉陵邑長陵茂陵各萬戶皆屬太常不隸於郡長陵令秩千鍾陪葬諸臣蕭何張良曹參紀信在其東史記高祖本紀十二年四月甲辰高祖崩長樂宮丙寅葬長陵 涇陽分祭陵墻外其餘地三頃五十四畝四

咸陽縣志

卷七

陵墓

五

分內除陵戶二名每名給口食地二十畝共地四十畝實起租地三頃一十四畝四分每畝起租銀一錢二分共銀三十七兩七錢二分八釐解 司以備各陵墓戶口食並脩陵工之用

惠帝安陵 賈志在縣東三十五里坐落張馬村西南二里周之程邑也漢書云惠帝葬安陵皇甫謐曰去長陵十里去長安北三十五里宋敏求長安志關中記曰從關東倡優樂人五千戶以為陵邑善為啁戲故俗稱女啁陵也

咸陽陵

賈志在縣東五十里坐落木家村西北三里

漢書景帝五年作陽陵邑後三年葬陽陵 陵墻外其餘地三頃九畝八分三釐內除陵戶二名每名給口食地二十畝共地四十畝實起租地二頃六十九畝八分

三釐每畝起租銀一錢二分共銀三十二兩三錢七分九釐六毫解 司以備各陵墓戶口食並脩陵工之用昭帝平陵 賈志在縣東北一十三里坐落新莊村西南數武漢書昭帝本紀元平元年六月壬申葬平陵本紀注臣瓚曰平陵在長安西北三十里三輔黃圖平陵去茂陵六十三里帝初作壽陵令流水而已石祿廣一丈五尺長二丈五尺無得起墳陵東北作廡長三丈五步

咸陽縣志

卷七

陵墓

六

外為小厨裁足祠祀萬年之後掃地而祭元帝渭陵 賈志在縣東北一十五里坐落大寨村西北二里漢書元帝本紀永光四年冬十月以渭城壽陵亭部原上為初陵詔曰安土重遷黎民之性骨肉相附人情所願也頃者有司緣臣子之義奏徙郡國民以秦園陵令百姓遠棄先祖墳墓破產失業親戚離別今所謂初陵者勿置縣邑使天下咸安土樂業亡有動搖之心布告天下令明知之竟寧元年七月丙戌葬渭陵服虔曰陵未有名故曰初臣瓚曰渭陵在長安北五十六里本紀注王莽遣使壞渭陵園門梁暹曰無使民復思漢

氏也

成帝延陵 在縣西北十五里坐落石村正南二里漢書曰成帝墓延陵關中記曰延陵在長安西北四十里渭陵之西成帝起延陵城邑已成言事者以為不便乃更造昌陵於霸城東二十里運沙渭濱取東山土與粟同價所費巨億數年而陵不成谷永等奏昌陵積土為山柳材猶在實土之上浮土之下非永年之基居高臨下道貫二州二十餘縣宜還就延陵乃徙陵而棄初言者今咸陽之西北十里為咸陽之延陵里

哀帝義陵 雍錄在縣西八里坐落底王村正西一里漢

咸陽縣志

卷七

陵墓

七

書哀帝本紀建平二年七月以渭城西北原上永陵亭部為初陵勿徙郡國民使得自安元壽二年秋九月壬寅葬義陵本紀注臣瓚曰義陵在扶風去長安四十六里 陵牆外其餘地二頃四十五畝五分九釐三毫內除陵戶二名每名給口食地二十畝共地四十畝實起租地二頃五畝五分九釐三毫每畝起租銀一錢二分共銀二十四兩六錢七分一釐零解 司以備各陵墓戶口食並脩陵工之用

平帝康陵 在縣西二十五里坐落雙陵寨東北五里漢書臣瓚曰在長安北六十里亦在咸陽地也 陵牆外

其餘地一頃八十七畝三分二釐內除陵戶二名每名給口食地二十畝共地四十畝實起租地一頃四十七畝三分二釐每畝起租銀一錢二分共銀一十七兩六錢七分八釐四毫解 司以備各陵墓戶口食並脩陵工之用

以上漢八陵週圍俱築圍牆各招陵戶

呂后陵 史記呂后本紀注皇覽曰高帝呂后山各一所外咸世家高后崩合葬長陵宋敏求長安志關中記曰長陵城有西北南三面南面無城陪葬者皆在東徙關東大族萬家以為陵邑馬志戚夫人墓在縣東北三十

咸陽縣志

卷七

陵墓

八

里長陵之東呂后陵之下舊志按會典漢高帝陵涇陽縣祭蓋沿舊制而地實屬咸陽也再漢中府志西鄉縣東南二十五里有戚夫人墓俱不足辨姑以供後人之憑吊可矣

張后陵 在縣東三十里漢書外戚傳張后廢處北宮孝

文後元年薨葬安陵不起墓

景帝后陵 在陽陵一百步廢太子臨江王母

元帝后陵 在縣北一十五里坐落大寨村正東一里元

后傅氏傳建國五年二月癸丑崩三月乙酉合葬渭陵

外戚傳孝元傅昭儀哀帝祖母也哀帝即位為帝太后

更號為皇太后元壽元年崩合葬渭陵稱孝元傳自
后云哀帝崩王莽秉政奏貶傳太后為定陶共王母元
始五年莽復言共王母前不臣妾至葬渭陵冢高與元
帝山齊懷帝太后皇太后壘綬以葬不應禮有改葬
請察共王冢歸定陶墓共王冢次既察冢崩壓殺數
百人潘岳關中記漢帝后同坐則為合葬不共陵也共
王廟在霸城西北廟西北即傳太后陵不與元帝同坐
渭陵非謂元帝陵也蓋在渭水之南故曰渭陵也王莽
奏毀傳太后冢周棘其處以為世戒今其處積土猶高
謂之增埽亦謂之增埽又謂之成帝初陵處所未詳

咸陽縣志

卷七

陵墓

九

成帝許后陵 外戚傳立十四年而廢在昭臺歲餘還徙
長定宮後九年賜藥自殺葬延陵交道廡西

平帝王后陵 在康陵東三里許坐落大王村東南四里
偽莽之女赴火死長安令潘岳西征賦曰瞰康陵之孤
墳悲平后之專潔歎厥父之墓逆蒙漢恥而不雪激美
成而引決赴丹爛以明節投宮火而焦糜從灰燼而俱
滅

孝成班婕妤墓 在延陵北一里許雍正九年邑令潘治
表其墓有碑記存

七妃墓 賈志在縣東北一十五里坐落新莊里按賈志

及縣志俱列戚夫人墓後而並無徵考未知漢代何帝
之妃

魯元公王墓 正義曰在縣長陵東一十五里坐落郭村
東南六里次東有張教冢公主惠帝女弟下嫁張耳之
子教

趙王如意墓 賈志在縣東北二十里坐落蛋店正北一
里馬志在呂后陵西戚妃子謚曰隱

蕭相國何墓 賈志在縣東北三十里坐落王村正西四
里史記蕭相國世家注東關漢記云蕭何墓在長陵東
司馬門道北百步正義曰括地志云蕭何墓在雍州咸

咸陽縣志

卷七

陵墓

十

陽縣東北三十里按蕭相國陪葬長陵則墓在咸陽信
矣城固志又云何墓在縣西二里杜家澆豈因何在漢
中日久其民愚之而為起冢歟若河南通志及永城縣
志並載蕭墓則傳聞異辭之故也

平陽侯曹參墓 在縣東北二十五里坐落瓦劉村東北
一里賈志在何墓西按參墓賈志縣志俱云縣東北二
十五里馬馮兩志及府志俱云三十五里

絳侯周勃墓 坐落西蔣村正東一里賈志在縣東二十
五里水經注成國故渠逕周勃冢南渠東南謂之周氏
曲

以上三墓
名防護

安國侯王陵墓 在

趙王張耳墓 關中記曰在咸陽東三十三里

斜正東里許府志曰在咸陽舊通志在陽陵者

宣平侯張敖墓 坐落蕭城村西南三里舊志在

史記張陳列傳注關中記曰張敖冢在安陵東

魯元公主母在咸陽縣西北二十五里次東有

與公主同域五嶽冢張敖冢也在安陵東三十

有五嶽之象人謂之五嶽冢雍勝畧按宋敏求長

咸陽縣志

卷七

陵墓

十一

亦謂之五角冢

丞相陳平墓 在縣東北三十里坐落劉家溝正北里許

按鄠縣南門外十里亦有墓未知孰是

四皓墓 在安陵旁見宋羅泌四皓辨云商於人得四皓

神祚機之刻末引三輔舊事云惠帝為四皓作碑於隱

所則知神祚機俱當時所刻今四墓附安陵亦猶周公

太公之附文陵也

計相張蒼墓 在陳平墓右邢家堡人有張姓者為蒼後

都尉袁盎墓 西京雜記曰廣陵王去疾盜其冢得玉蟾

蟾一枚腹空容五合水取以盛

於安陵東門外咸陽地也故錄之

都尉馮喜墓 賈志在縣東八里按畿輔通志馮唐墓在

趙州南二里沙河店考史記馮唐本傳唐大父趙人父

徙代漢興徙安陵漢代徙關中諸陵者即世籍陵邑唐

墓之在咸陽無疑也其趙州所傳或係唐祖墓耳至河

南通志云唐墓在陳州東南四十里者尤非

車丞相田千秋墓 在縣西南一十五里坐落馬家寨東

南數武昔有碑今廢

楊雄墓 馬志在咸陽縣楊雄家牒天鳳五年卒墓安陵

阪上子雲在長安素貧約比歲已甚亡其兩男哀痛不

咸陽縣志

卷七

陵墓

十一

已皆歸葬於蜀遂至困乏雄為中散大夫病卒貧無以

辦喪事以貧困故葬咸陽妻子棄其墳墓而歸於蜀桓

譚新論又按四川通志楊雄墓在鄠縣西二十里土人

呼為子雲亭明郭子章題其墓曰漢法元先生墓似為

有據然正以桓譚之說則在咸陽者為篤矣

高密侯鄧禹墓 在縣北三十里坐落鄧村北門外數武

見邑紳王獻碑文今翁仲尚存

後周

開國公魏高墓 在縣西北三十里坐落蕭何廟正南數

武高事周封為開國公